



Inatsisartunut ilaasortaq
Justus Hansen
Demokraatit

Suiaaqatigiit pisinnaatitaaffii pillugit § 37 naapertorlugu apeqqummut nr. 262-imut akissuteqaat

Asasara Justus Hansen,

Suiaaqatigiit pisinnaatitaaffii pillugit apeqquteqaaternut qujanaq. Apeqquteqaatit matuma kinguliani akissuteqarfigaara.

1. Meeravissartaartarneq aamma anaanaaqataasarnissaq pillugu suiaaqatigiit pisinnaatitaaffii pillugit danskit naalakkersuisuinnik isumaqatigiinniarnaq sumummita killippa?

Ulloq 26. maj Inatsisartut isumaqatigiittut aalajangerput ilaqtariinnut inatsisit ataatsimoortut Kalaallit Nunaannut atuutsinneqalissasut. Folketingimi inatsisissatut siunnersuutip naammassillugu suliarineqarnissaa sioqqullugu, siusinnerusukkat Statsministeriusup Helle Thorning-Schmidt-ip folketingimut qinersinissaq nalunaarutigaa. Tamatuma kingunerisaanik inatsisissatut siunnersuutit naammassillugit suliarineqangitsut tamarmik atorunnaarput aammalu ataatsimiinneq aallartippat saqqummiuteqqinneqassallutik. Tamatuma kingunerisaanik ilaqtariinnut inatsisit ataatsimoortut pillugit inatsisissatut siunnersuut atorunnaarpoq.

Taamaattumik Naalakkersuisut nuannaarutigaa maannakkut danskit naalakkersuisuinit ilaqtariinnut inatsisit ataatsimoortut Folketingimi suliarineqartussanngorlugit saqqummiuteqqinneqarmata. Ilaqtariinnut inatsisit ataatsimoortut kingullermik folketingip ataatsimiinnerani Folketingimi siullermeerneqarnerattuulli akuersaartumik suliarineqassasut Naalakkersuisut naatsorsuutigaat. Ilaqtariinnut inatsisit ataatsimoortut akuerineqassappata, inunnu suiaaqatigiinnut tunngatillugu katittarneq pillugu aalajangersakkat 1. april 2016 atuutilissapput.

Kisianni suiaaqatigiit pisinnaatitaaffiinnut suliniuteqarneq Naalakkersuisuni tassungaannaq killeqanngilaq. Meeqqanut inatsisip atuutsinneqalernissaa pillugu lsumaginninnermut ministereqarfimmik oqaloqateqarnerit Naalakkersuisut aallartippaat. Meeqqanut inatsit atuutilerpat, tamatuma malitsigisaanik anaanaaqatigiit pisinnaatitaaffealissapput aammalu suiaaqatigiit meeravissartaarnissamut periarfissaqalissallutik. Allannguutit taakkua innuttaasunut kalaallinut atuutilernissaat Naalakkersuisut qilanaaraat. aalajangiiffigisassatut siunnersuut qaqugu Inatsisartunut saqqummiunneqarsinnaassanersoq, ajoraluartumik maannakkorpiaq oqaatigisinnaanngilara. Meeqqanut inatsisip atuutsinneqalernissaa Naalakkersuisut

10-11-2015
Sags nr. 2015 - 14630
Akt. nr. 1463394

Postboks 1614
3900 Nuuk
Tlf. (+299) 34 50 00
Fax (+299) 34 54 10
E-mail: paian@nanoq.gl
www.naalakkersuisut.gl

pingaartippaat, taamatullu suliassaq taanna Isumaginninnermut ministereqarfimmi pingaartinneqarpoq.

Inussiarnersumik inuulluaqqusillunga

Mala Høy Kúko